



15597

kat.komp.

I

Mag. St. Dr.

P

Katymiski Laurent. et Alph. Quaestio de sensu
sentia arbitrorum.

Biblioteka Jagiellońska



stdr0004970

2444 Prawo.

QVÆSTIO DE SENTENTIA ARBITRORVM

Ad Cap. Sane Extra De Arbitris luncta
L. Ima. C. Eodem.

A

M. LAVRENTIO ALPHONSO KARYNSKI
*I. V. D. Decretorum Ordinario Professore
Ecclesiæ Collegiatæ Omnium SS. Can.*

Pro loco inter DD. Facultatis Iuri-
dicæ ad Disputandum proposita

Lectorio Coll: DD. Iurisp. Die 12


Septembris, Hora ante meridiand

Anno Domini, 1651.

C R A C O V I Æ,

Apud LVCAM KVPISZ, S. R. M. Typ.

Ipsa sibi Virtus meruisse satis.



1539/I
Feci Iudicium, & Iustitiam: in iudicio
non contempsi pauperem, non oppressi vi-
duam, personam diuitis non recepi, in omni-
bus operibus misericordiam reseruau.

D. Abros: super Psal: Beati immaculati &c.



Perillustri ac Reuerendissimo Domino,

D. ALBERTO

De Lipnik

LIPNICKI

DEI & Apostolicæ Sedis Gratiâ Episc:
Laodicen: Suffragan: Can: Vicario in
Spiritualibus & Offic: Generali,
Cracouien:

Domino & Patrono S. & P.

DEbitum quod à multo tempore me contraxisse
sentio & agnosco, varijs interea impedimentis
detentus, & afflictâ valetudine retardatus, tandem in
publica luce, Tibi Perillustri ac Reuerendme D. exoluo.
Cui enim potius de Arbitris, quàm Tibi, qui, munus eorū
iure optimo possides, dedicare potuerim. Quæstionem
Te Arbitro & Arbitratore, Sanctissimæ memoriæ, Illu-
strissimus olim Laurentius Gembicki in Culmen.
& Vladislauen: Episcopatibus, in causis difficillimis
usus est, etiam in Archiepiscopatu Gnesnen: Te Ar-
bitrum & Arbitratorem, ad bellicos Confederationis
Moschouitica temperandos tumultus, D. Sigismun-
42 dus

duſ III. potiſſimum elegit, & designauit. Tuo arbitrio, Vladislaum Filium ſuum, multis in itineribus, concedidit dirigendum. Tuo arbitrio, fideiq;, Theſaurus Regni, in ſalis fodinis Vielicien: quidquid illis temporibus, in uſus Reipub. erogatum eſt, refert in acceptis.

Sed quanquam magnum præſtiteris ubiq;, per ſpacia Virtutum currendo, operæ prætium, illud tamen eſt maximum, cum Te nobis, & nos ipſos Tibi, ſecundum Arbitrium Tuum, animis deuinctiſſimos reddidiſti. Quid enim aliud uolunt iura Sanctitatis quàm ad Arbitrium uiuere, Magni Iudiciorum Arbitri? quæ Tu Perilluſtris ac Reuerendme. Dñe. eo conatu exerces, ut non Te, ſed pro Te, ne ſuccūbas timeamus. Molem ſcilicet tantam ſuſtines curarum, ut nec Atlas celum erigens, ſine Hercule proſcicere poſſe uideatur. Eiſmodi autem munus, & onus Tuum eſt, quod ab optimo Antiſtite, Illuſriſſimo PETRO GEMBICKI, cuius uel ipſū nomen, petream & infractam loquitur firmitatem maximum in vrbe maximā. Tibi impoſitum geris, ut ſine maximis curis, & grandi prudentia, adminiſtrari non poſſit exacte. Ergo Perilluſtris ac Rñdme. Dñe. recipe hoc debitum benigno vultu, quod perſoluo. In morā quidem fui, perſoluendum tantisper: Officia tamen mea alia, uel purgabant eam, uel intereſſe exoluent.

Datum in Coll. Iuriſp. in Vigilia Natiui. B. M. V. A. 1651.

Perilluſtri ac Reuerendiſſimo Dño.

Deuiniſſimus.

LAURENTIUS KARYNSKI.

I. V. D.



QVÆSTIO

Ad Cap: Sanè Extra de Arbitris Iuncta
L. Ima C. Eodem.

V. Arbitri Iudicibus similes, à parti-
bus compromittentibus potestatem iu-
dicandi recipiant; eorumque sententia
aliquo modo impediatur; ac ab ea legi-
timè lata, partes citra pœnam in compro-
misso positam, appellare possint necne?

CONCLUSIO I.

Certum est Arbitros seu compro-
missarios, in hoc similes esse Iudici-
bus, quòd Iuris seruato ordine proce-
dere debeant.

COROLLARIA

I.

Non potest Arbitr sine citatione, Libello:
Litis contestatione: & alijs ad ordinem
iudiciorum pertinentibus procedere in causa.

B

II.

II.

SI diebus feriatis in honorem Dei & SS. quibus Index non potest iudicare, procedant Arbitri; nullus erit processus, nisi fortè secundum quosdam dies expiret compromisso.

III.

Quemadmodum Index, non potest suam causam iudicare, ita & Arbitris hoc non licere asserimus.

IV.

Contra suspectum Arbitrum datur exceptio, ut contra alium Iudicem.

V.

Attestationes & Confessiones receptæ coram Arbitris, fidem faciunt coram Iudice.

CONCLUSIO II.

Arbitrarius Iudicandi potestatem accipit, ex consensu partium, compromittentium in se.

COROLLARIA

I.

Postquam acceptavit Arbitrarius compromissum, non potest resilire; secus si non acceptavit.

II.

II.

Vltra compromissum, non posse Arbitrum
procedere ad causas alias decidendas,
tenemus.

III.

Licet compromissum generale sit, non tamen
Lex eo potest condemnare Arbitrum, ut unus
recipiat fundum, & rem aliam det, de qua non
est cogitatum.

IV.

Cum partes non alio fine eligant sibi Arbi-
tros nisi ut reddant unicuique, quod suum
est: non debent de unius iure aliquid adimere,
& alteri dare.

V.

Electus à partibus Arbitrum antequam acce-
ptet, non potest verè dici & esse Arbitrum.

CONCLUSIO III.

Si legitimè Sententia ab Arbitris lata
fuerit, habet suum robur & firmi-
tatem.

COROLLARIA

I.

Si per Sententiam Arbitrorum legitimè fa-
ctam condemnatur aliquis, potest petere re-
ducti-

ductionem ad equitatem per bonum virum, vel
Iudicem. II.

Licet unus ex Arbitris proferat Sententiam,
Alijs tacentibus tamen robur suum habebit
quoad omnes.

III.

Si sit clausula in compromisso, ut Arbitri fe-
runt sententiam, iuxta consilium sapientis,
si illud non admisierunt, sententiam non posse
subsistere, affirmamus.

IV.

Sententia lata in alio loco, quam ubi factum
est compromissum, valida esse non potest,
nisi partes super hoc consenserint.

V.

Si tres Arbitri dissentientes fuerint, unus
videlicet condemnat convictum: alter absol-
vit definitivè: tertius autem ab observatione
Iudicij liberat, standum est sententiæ tertij, ex
consensu omnium DD.

CONCLUSIO IV.

Barl. l. Iudicij. g. ff. q. salubere cogent. Et in l. Nemo p. ff. de Legib.

A Sententia Arbitrorum regulariter
non est concedenda appellatio.

Canonici (Cenij 11. q. 1.)

CO.

Ampla res manente pacto

COROLLARIA.

EX *sententia Arbitrorum postea homologata*
oriri actionem & exceptionem non nega-
mus.

II.

POsse appellari, à *sententia Arbitrorum iu-*
ris seu necessariorum, ad summum Ponti-
ficem, non repugnamus.

III.

SI *iniqua sit sententia Arbitrorum, succur-*
ritur grauatis per reductionem ad arbitri-
um boni viri, quæ se habet instar appellationis.

IV.

SI *quis ab Arbitrorum sententia appellatio-*
nem interposuerit, dicta appellatio prore-
ductione improprie sumetur,

V.

Sententia *Arbitrorum ut efficacior est, quàm*
Arbitratorum: ita citius effectum suum for-
titur in executione.





Sub Felicibus auspicijs.
Per illustris Magnifici & Admodū Rēdi. Dñi. D.
I A C O B I G O R S K I
I. V. D. & Professoris, eiusdemq;
Facultatis DECANI,
Ecclesiarum Cathed: Crac: CANONICI,
Collegiatæ SS. Omnium Custodis,
PROTONOTARII APOSTOLICI
Almæ Vniuersitatis Crac: Studij
GENERALIS RECTORIS.
Vigilanti ssimi.

XXIV. 5. 72

